

M238: Die Wahrheit

- 0,1 [N]v wil ich bitten den got.
0,2 der von den iuden wart gemar=terot.
0,3 daz [er] mir uerlihe den fin.
0,4 daz ich müzze chundin.
0,5 den armen underden richen.
0,6 di chunft fraifliche.
0,7 den iungen ioh den al=ten.
0,8 was uns ift behalten.
0,9 wa wir uns fulen enden.
0,10 wir fin in dem ellende.
0,11 unfer heimot ift uns un=gewis.
0,12 dar in helfe uns der hei=lige chrift.
0,13 [D]az himelrich ift unfer heimot.
0,14 div helle ift der e=wige tot.
0,15 div genade ift daz paradifus.
0,16 dar werdent alle di gewifet.
0,17 die daz umbe got uerdient.
0,18 di anderen
0,19 uil ureifliche cherint.
0,20 in daz tieffe hellewize.
0,21 da fulen si wesen inne.
0,22 mit uil micheler grime.
0,23 beidiv naht unde tach.
0,24 als der tieuil uil wol geleiftin mach.
0,25 immer an ente.
0,26 daz ift daz ellente.
0,27 [D]es bewart ivch mine uil liebe.
0,28 ine wiL iv niht liegen.
0,29 iz [gehâte] also wer=de.
0,30 der himel zu der erde.
0,31 die gewnnen enfamet ein kint.
0,32 des alliv difiv lant fint.
0,33 einen uil heiligen fun.
0,34 der loft uns uon der hellegrüt.
0,35 mit finen fivnf wden.
0,36 vir tilget er unfer funt.
0,37 er gab uns bediv
0,38 libes. unde leides.

- 0,39 ubeles unde gũ=tes.
0,40 fwederes uns wrde zemûte.
0,41 ovch hat er uns gehæizzen.
0,42 daz wil er war lazzen.
0,43 gevalle wir wi=der anden tot.
0,44 erne werde nimmer
0,45 mer durich uns gemarterot. [N]v muget ir wænen daz ich tobe.
0,46 wande ich iv daz leit lobe.
0,47 fwer fo lieb leidet
0,48 leider ungerne er danne fcheidet.
0,49 alfo mach mir fin.
0,50 ich lobe iv unferen trehtin.
0,51 unde leide iv [den] dievel.
0,52 er ift ane zviuel.
0,53 ein rehter lugener
0,54 lâ in iv fin ummere.
0,55 ich fage ev daz zeware.
0,56 wolt ir noch zu ime keren.
0,57 vnde ervolt ir finen willen.
0,58 er frum& ivch indie helle.
0,59 [D]es warne ich ivch minnichliche.
0,60 daz gebivtet mir chrift der riche.
0,61 vnde ladet ivch wi=der zelande.
0,62 nemit bilde bi dem wal=de.
0,63 er ift uil fchone unde uil breit.
0,64 ir fit iwers mv̄tes uil gemeit.
0,65 er ne ift idoch nie fo lanch noch so grôz.
0,66 er mv̄ze zeivngelte finer tolden werden bloz.
0,67 er wirt ane wrzen vnde ane faf.
0,68 des gehuget wol diewil ir habet iwer chraft.
0,69 vart ir ze der helle daz ift mir leit.
0,70 fwer dumben herfet der flufet fin arebeit.
0,71 fwer fo winchet dem plinten.
0,72 der uerliv=et fine ftunde.
0,73 behv̄tet iuch [in] di=fen churcen citen.
0,74 ir muget lihte ze lange biten.
0,75 bitet ir fo lange
0,76 unze ir mit dem grimmen tode werdet be=vangen.
0,77 so ir ez denne uil gerne tætet
0,78 fo fit ir zespête.
0,79 [W]az mach ir reden mere.
0,80 newelt ir ivch niht becheren.
0,81 fo wir[t] uil lihte.
0,82 daz ir mit al gerihte
0,83 des grimmen todes mv̄zzet bechoren.
0,84 fo fit ir immer mere v̄loren.
0,85 ander ar=men fele.
0,86 gefwichet ir dem herren.

- 0,87 der ivch mit finem blûte chṽfte.
0,88 vñ iv di miſſetāt abflōte.
0,89 in dem iordane.
0,90 wrde wir zeware.
0,91 alle fr̃ge gezalt.
0,92 er holte uns ovz der helle mit finem gewalt.
0,93 dāf bedench wir uil liebe indem finne.
0,94 iz engetet niede=hein chint.
0,95 durich fines vaterf wil=len.
0,96 daz ez ſich lieze chollen.
0,97 noch der vater durich finen fun.
0,98 nu lonet im mit triwen.
0,99 noch wirt ein tach
0,100 daz iz uns wol gefrumen mach.
0,101 hab wir im iht gedienot.
0,102 des wirt vns gelonot.
0,103 [W]ir ſin fr̃iſliche wnt.
0,104 wir fulen wider ſa zeſtunt.
0,105 gahen uil harte.
0,106 zv unferem ewart.
0,107 unfer funde ful wir in lazen ſehen.
0,108 unfer grozer funde ṽgehen.
0,109 er uin=det uns die ſtralen.
0,110 da wir mit ge=ſcozen waren.
0,111 belibet ſi dar inne
0,112 ſo wir die wnden gewinen.
0,113 fone chan ſi nimmer enhæin man.
0,114 mit finen finnen gehailen.
0,115 fo mṽze wir ſiechen immer me.
0,116 daz muge wir bewaren allez. ê.
0,117 von div bite wir uns anden bûchen.
0,118 die arzat fûchen.
0,119 div getranch ovch die bin=den.
0,120 wie gereit wir got danne uinden.
0,121 ſo hailet er uns min uil lieben.
0,122 fo muge wir den ewgen lib uerdienen.
0,123 [D]er ewige lip der iſt fo getan.
0,124 da nemach daz wip noch den man.
0,125 gehuñgen noch gedur=ſten.
0,126 ge iameren noch gevriefin.
0,127 uil wol ſint ſi behutet.
0,128 vor alrflaht noten.
0,129 engelin ſin ſi anelich.
0,130 immer unfuntlich.
0,131 mit allen genaden ſint ſi behût.
0,132 zi himele ker wir noch unferen mṽt.
0,133 nach unfer aller heile.
0,134 vnde erwerin uns der helle. vor dem urteile.

0,135 [N]u furhte ich eines ualles.
0,136 uber uns funter alle.
0,137 der ſculdege der ſcamt ſich.
0,138 idoch
0,139 fol ſich nehein man.
0,140 zeharte miſſe=troſten.
0,141 wil er ſin haben rat.
0,142 er uin=det einen arzat.
0,143 der im heilit ſine wnden.
0,144 vñ in machet wol gefun=den.
0,145 div bûch ſagent uns fur war.
0,146 daz niemens funde ſin ſo ſwære.
0,147 wil er ſich lazen riwen.
0,148 mit inercli=chen triwen.
0,149 got der iſt ſo genedich
0,150 er v̇lihet im den ewigen lip.
0,151 [D]az liet heizet div warheit.
0,152 daz iſt dē tieuel ſo leit.
0,153 ſwa er daz horet ſingen ođ ſagen.
0,154 oder dehein rede uone gote haben.
0,155 war tû wir arme unfern ſin.
0,156 ia geſûf uns min træhtin.
0,157 war dench wir vil lieben.
0,158 daz er uns alle tage dienet.
0,159 mit weter ioch mit wint.
0,160 als der vater ſinē kinde.
0,161 wolt wir imf getriwen.
0,162 er gebûzt unſ unſer rew=en.
0,163 uñ gebe uns daz tægeliche brot.
0,164 uñ gebuzte uns alle unſer not.
0,165 ia die=net uns alles daz dir iſt.
0,166 ligendez uñ lebendez.
0,167 div mænin *ioch d[?]* ſune.
0,168 di livcten uns mit *wnnen*.
0,169 der tach hvmt uns als iz got gebot.
0,170 ſich frōt der menſch daz er iſt gefunt.
0,171 [I]ch wænez ie wart.
0,172 ſit daz adam erſtarp.
0,173 daz also manech wip vñ man.
0,174 wiđ got haben getan.
0,175 an ir ſebes liebe.
0,176 des fulen ſi di not leiden.
0,177 an ir ge=want uñ an ir hare.
0,178 vnde an ir geſchûde zeware.
0,179 daz tunchet mich vbele getan.
0,180 des rates wil ich abe gan.
0,181 vil michel iamer m̃vz mich han.
0,182 daz also maneger m̃vter barn.

0,183 in die helle sol varn.